

憲示 第二百六十五號

為

署輔政使司史
諭知招投承接事照得現要招人投接將舊必打步頭搬去所有投票均在本署收截限期收至

大英本年七月廿七日即禮拜二正午止如欲領取投票格式者可赴本署求取如另欲知詳細者前赴工務司署請示可也投票價列低昂任由國家棄取或棄而不取為此特示

一千八百八十六年 七月 十六日示

憲示 第二百六十六號

署輔政使司史

為

曉諭事照得現將香港官地三段出投即冊錄九龍岸地段第二百一十八號及由第二百四十二號至第二百四十九號均坐落油麻地准於西歷本年七月二十六日即禮拜一下午五點鐘當眾開投如欲知詳細者可取看本年七月初十日第二百五十四號憲示可也特示

一千八百八十六年 七月 十七日示

憲示 第二百六十八號

署輔政使司史 為奉

督憲諭將華民政務司案照防染惡疾則例所出之示諭開示於下特示

一千八百八十六年 七月 十七日示

署安撫華民政務司駱

申明事照得本署司於是月十六日判定第三約亞松巷第五號屋二層樓三層樓兩處確犯私開娼寮之例為此案照一千八百六十七年防染惡疾例之第二十三款將此案曉示於眾特示

一千八百八十六年 七月 十六日示

憲示 第二百六十九號

署輔政使司史 案奉

督憲諭將

工司示諭抄示以備週知

大英一千八百八十六年 八月 十七日示

大英各口巡工司畢

通行曉諭事照得本巡工司前奉

總稅務司赫 憲劄行以沿海沿江建造燈塔浮樁等事或係創設或宜改移或有增添或須裁撤營造既有變更務即隨時彰明出示通曉各處俾得行江海船隻周知徧諭等因茲本巡工司查江海關稅務司所屬界內曹妃甸地方新設燈塔一座合將其情形度勢開列於左

計開

一天津府大沽口外曹妃甸英國水師部海遣圖作沙溜甸海島地方新設磚石八角形燈塔一座自甚至高三丈八尺內置六等透鏡四面白光常明燈塔火距水面高四丈二尺餘晴時應照三十里塔在緯度北三十八度五十六分經度中國中線東一度二分十二秒

一該燈已於五月十七日落時初次開點

為此合即遵行出示通曉各處船隻其務宜留心詳記以免疏虞勿忘勿忽切切特示

光緒十二年 五月 二十八日 第二百七號示

欽天監監正杜

為

示明風警事照得爾華民船戶人等如見尖沙嘴有升紅色報號之時係示明本港必無颶風之患若聞號炮發聲即防有狂風將至如聞連發二聲颶風必將到港爾等各宜警醒勿忽特示

一千八百八十六年 六月 十一日示